

# ՀԱՅԱՍՏԱՆԻՆ ՊԱՏԵՐԱԶՄ Է ՍՊԱՌՆՈՒՄ

Հանրապետության Գերագոյն  
Խորհրդի Ապրիլի 30ի նիստը չկա-  
յացաւ:

Մի քանի պատգամաւորներ  
նշելով ստեղծուած ծանր կացու-  
թիւնը Հայաստանի սահմանա-  
մերձ շրջաններում եւ Գետաշէ-  
նում, տեղեկութիւններ պահան-  
ջեցին: Միաժամանակ առաջարկ-  
եց Գերագոյն Խորհրդի նախա-  
գահին օժտել նախագահական  
լիազօրութիւններով:

Խօսք առնելով, վարչապետ  
Վազգէն Մանուկեանը տեղեկաց-  
րեց, որ Իջեանի շրջանում ամ-  
բողջ գիշեր հրաձգութիւններ են  
եղել եւ անբաժնութիւններ կան:  
-Մենք պիտի պատրաստ լինենք  
պատերազմի- եւ նման իրավիճա-  
կում անհրաժեշտ է խստագոյն  
կարգապահութիւն: Մեղրիի ղեկա-  
վարութիւնը ադրբեջանական կող-  
մի հետ պայմանաւորուածութիւն է  
ձեռք բերել գնացքների անխա-  
փան երթելութեան համար եւ  
դա մեզ համար ձեռնտու է: Չոր-  
րորդ բանակում զօրամասեր կան,  
որոնք ամբողջութեամբ բաղկա-  
ցած են ադրբեջանցիներից: Եօ-  
թերորդ բանակում ոչ մի հայ  
չկայ, որովհետեւ նախորդ տարի-  
ներին զօրակոչ չի եղել: Բանակ-  
ցութիւնների հարցին անդրադառ-  
նալով, վարչապետն ասաց, որ  
այս պահին նման բան հնարաւոր  
չէ իրականացնել, որովհետեւ դա  
կը լինի ուժի ճնշման տակ:  
Հաւանական բանակցութիւնների  
նախաձեռնութիւնը իր վրայ պետք  
է վերցնի Մոսկուան: Եթէ այս  
վիճակը շարունակուի, պետք է  
յայտարարել համաժողովրդական  
զօրահաւաք՝ պաշտպանելու հա-  
մար Հայաստանի սահմանները:

Այնուհետեւ պատգամաւորները  
իրենց կարճ ելոյթներում անդրա-  
դարձան տիրող կացութեանը եւ  
առաջարկեցին գործնական քայլե-  
րի դիմել:

Սօս կէս ժամ տեւած քննար-  
կումը ւարտուեց նրանով, որ Գե-  
րագոյն Խորհուրդը նպատակա-  
յարմար գտաւ դադարեցնել իր  
աշխատանքները: